



## U akciji "Titanium" na području TK uhapšeno sedam osoba Krivotvorili novčanice od 500 eura

Među uhapšenima Adnan Canović i Miroslav Pranjić iz Tuzle

U akciji "Titanium", koju su jučer na području Tuzlanskog kantona izveli pripadnici Državne agencije za istrage i zaštitu (SIPA), uhapšeno je sedam osoba osumnjičenih da su počinile krivično djelo krivotvorenje novca.


Akcija je izvedena prema nalogu tužioca iz Posebnog odjela za organizirani kriminal, gospodarski kriminal i korupciju Tužilaštva

BiH, a pretreseno je ukupno devet lokacija.

Organizirana kriminalna grupa je krivotvorila i puštala u promet novčanice od 500 eura.

Kako "Dnevni avaz" nezvanično saznaje, među uhapšenima su Adnan Canović zvani Cana te Miroslav Pranjić, obojica iz Tuzle. Pretreseni su i objekti u kojima su njih dvojica boravila.

Na području Čelića je,



*Pretreseno devet lokacija*

prema našim informacijama, pretreseno sjedište prijevoznike firme "Ljaljić turs", a, navodno, priveden je i vlasnik ove firme koji je zajedno s ostalim uhapšenim prebačen u prostorije SIPA-e u Sarajevu. Pripadnici SIPA-e u Tuzli jučer nisu pronašli Alena Josića Marušića i Anela Jašarevića, koji se, također, dovode u vezu s krivotvorenjem novčanica. **A.Ka. - A.H.**